



## **Deklarasi Wakayama Oleh Belia Bagi Mengurangkan Bencana (Deklarasi Wakayama)**

Kami, wakil belia negara yang mengambil bahagian dalam Forum Belia Asia yang berlangsung di Wakayama, Jepun yang dianjurkan oleh Lembaga Pendidikan Wakayama, Pusat Kebudayaan Asia/Pasifik untuk UNESCO (ACCU) dengan Konsul Inamura no Hi, pada 2hb November 2006 dengan ini mengakui bahawa:

1. Bencana berlaku tanpa diduga. Namun, kesannya dapat dikurangkan dengan persediaan dan kerjasama dari semua pihak.
2. Bebas dari bencana merupakan hak asasi setiap manusia.
3. Pengurangan bencana adalah tanggungjawab semua.
4. Kesedaran dan persediaan yang efektif sebelum bencana merupakan satu keperluan.
5. Mengumpul maklumat tentang bencana daripada pengalaman, pengetahuan, dan penyelidikan serta berkongsi pengetahuan ini dengan seluruh dunia adalah amat penting.
6. Perbincangan tentang alam sekitar adalah amat penting bagi mencegah dan mengurangkan bencana di seluruh dunia.
7. Pendidikan pengurangan bencana adalah amat penting bagi mengurangkan jumlah kematian, kerosakan harta benda dan alam sekitar serta dapat membantu mangsa bencana.
8. Pendidikan pengurangan bencana haruslah menjadi satu aspek penting dalam sistem pendidikan di sekolah agar mampu difahami oleh semua.
9. Setiap orang perlu prihatin dalam usaha bagi mengurangkan bencana terutama mereka yang terdedah kepada bencana seperti mangsa bencana, orang kurang upaya, kanak-kanak dan warga tua.
10. Tindakan segera terhadap bencana haruslah disediakan dan mudah diterima oleh semua mangsa bencana.
11. Pemulihan dan pembinaan semula adalah amat penting bagi memastikan mangsa bencana mampu menjalani kehidupan seperti biasa.
12. Infrastruktur yang selamat seperti sistem amaran awal tsunami serta tempat perlindungan haruslah disediakan oleh pemerintah bagi mengurangkan impak bencana.
13. Dunia yang aman dan selamat adalah amat penting untuk semua.
14. Kami, belia Asia menyeru agar pihak kerajaan, United Nation, Badan Bukan Kerajaan (NGO), masyarakat dan semua relajar di seluruh dunia agar menerima deklarasi ini serta bekerjasama berganding bahu bertindak terhadap cadangan kami bagi persediaan dan pendidikan untuk mengurangkan bencana.